

KËSHILLA KRYESORE SI TË PËRGATITEMI PËR NGASJE GJATË DIMRIT!

JINI TË VËMENDSHËM!

JINI TË VËMENDSHËM!

Asnjëherë nuk mund ta dimë se ku do të hasim në mot të lig apo rrugë të bllokuara! Në qoftë se jeni në automjet apo në ndonjë mjet tjetër, siguria fillon dhe mbaron me juve. Shikoni këshillat tona për ngasje të sigurt gjatë dimrit.

MOS NGITNI MJETIN TUAJ NËSE NUK ËSHTË ABSOLUTISHT E NEVOJSHME!

Udhëtimet në distanca të gjata janë veçanërisht të rrezikshme në një stuhi dëbore!

KUPTOJENI, UDHËTIMI ZGJAT MË SHUMË NË MOT TË LIG!

Të gjitha dritaret dhe pasqyrat duhet të jenë plotësisht të pastruara për të përmirësuar dukshmërinë, por mos harroni të pastroni kapakun mbi motor, kulmin dhe kapakun tek bagazhi.

PNEUMATIKËT

Pneumatikët e dimrit janë të shënuar me shenjë M+S, MS, M&S, ose ndonjë shenjë tjetër identifikuese nga prodhuesi i pneumatikëve.

MBANI NDEZUR DRITAT E AUTOMJETIT GJATË RESHJEVE!

Ju duhet të shihni mirë për ngasje të sigurt. Aktivizoni pastruesit e xhamave, mbani ndezur dritat tuaja, kjo ju mundëson të shihni më mirë dhe të jeni më të dukshëm për të tjerët gjatë reshjeve atmosferike. Mos harroni, dritat me rreze të ulëta, shpesh e bëjnë më të lehtë për t'u parë në dëborë të rëndë ose me erë.

ASNJËHERË MOS E KALONI NJË MJET/MAKINERË QË ËSHTË DUKE PASTRUAR RRUGËN NGA BORA

Operatori i pajisjeve nuk mund t'ju shohë dhe dukshmëria juaj është e kufizuar për shkak të reshjeve të dëborës, mbani distancë për sigurinë tuaj.

KONTAKTO POLICINË E KOSOVËS

192

info@kosovopolic.com

www.kosovopolic.com

<https://www.facebook.com/KosovoPolice>



KËSHILLA KRYESORE SI TË PËRGATITEMI PËR NGASJE GJATË DIMRIT!



Kontrolloni mjetin tuaj dhe sigurohuni se është në nivel të shërbimit, gjatë kohës me dëborë!



LLOJI I GOMAVE DHE PRESIONI I TYRE

Sigurohuni që gomat tuaja të jenë të parapara për ngasje gjatë dimrit, gjithashtu presioni i ajrit të tyre duhet të jetë sipas rekomandimeve të prodhuesit, gjatë kohës së ftohët.

15 nëntor - 15 mars



PASTRIMI I XHAMAVE

Vendosni fshirësit e xhamave të cilët rekomandohet të përdoren gjatë kohës me temperaturë të ftohët. Lëngu për pastrimin/fshirjen e xhamave kundër ngrirjes.



VAJI I MOTORIT (LUBRIFIKANTËT)


Ndërroni/ndryshoni vajin në makinën tuaj, mbushni motorin tuaj me një vaj me viskozitet më të ulët.

Numri para W paraqet viskozitetin, kështu që 5w-30 ka një viskozitet më të ulët se 10w-40



Kontrolloni filtrat (ajrin, vajin dhe lëndën djegëse)

Zëvendësojeni ata nëse janë të nevojshëm.



Kontrolloni rripin e alternatorit (prodhuesit të energjisë)

Mjeteve iu duhet më shumë energji gjatë kohës së ftohët.



LËNGJET NË SISTEMIN E FTOHJES

Lëngjet në sistemin e ftohjes kundër ngrirjes. Kontrolloni dhe mbushni ftohësin, sigurohuni që ftohësi juaj të jetë mbushur, kontrolloni radiatorin për rrjedhje. Shumë mekanikë rekomandojnë të përdorni një përzierje 50/50 të lëngut kundër ngrirjes dhe ujit në radiator.



HIQNI TËRËSISHT BORËN DHE AKULLIN NGA AUTOMJETI JUAJ!

Të gjitha dritaret dhe pasqyrat duhet të jenë plotësisht të pastruara për të përmirësuar dukshmërinë, por mos harroni të pastroni kapakun mbi motor, kulmin dhe kapakun tek bagazhi.



SISTEMI I MBUSHJES SË BATERISË DUKE I PËRFSHIRË EDHE KABLOT

Bateritë zakonisht zgjasin tri deri në pesë vjet dhe dështimet janë më të zakonshme në dimër për shkak të rritjes së ngarkesave elektrike të fillimit të ftohjes. Nëse bateria juaj është më e vjetër se tri vjet, këshilloheni ta testoni nga një profesionist.



DRITAT, DUKE U SIGURUAR SE JANË EDHE REZERVAT

Inspektoni të gjitha dritat dhe zëvendësoni çdo llambë të djegur. Lehtëson mënyrën e ngasjes, rrit shikueshmërinë dhe nivelin e sigurisë.



ÇANTA RRUGORE EMERGJENTE/ NDIHMA E PARË

Gjatë udhëtimeve më të gjata apo malore, paketoni disa pajisje të rëndësishme, një çantë e mirë për mbijetesë ka të paktën një batanije, një çantë të ndihmës së parë, jelek reflektues, një brisk, dritë/bateri dore, bluzë/xhemper, litar, lopatë, e gjithashtu mbani një sprej kundër ngrirjes.

Në rast të ngecjes në rrugë përdor jelek reflektues, trekëndëshin e sigurisë dhe largoni mjetin tuaj sa më larg nga shiriti qarkullues.

